

續修四庫全書

100

100

100

100

100





《續修四庫全書》編纂委員會編

# 續修四庫全書

上海古籍出版社

# 一三五八・集部・別集類

喙鳴文集二十一卷 喙鳴詩集十八卷 敬事草十九卷（敬事草卷一至卷十九）

〔明〕沈一貫撰……

林初文詩文全集不分卷 〔明〕林章撰……

敬事草序

敬事草者吾師沈文恭公疏  
草也勤勤懇懇洵有陸宣公  
風當使千百世下讀而想見  
其人夫

敬事草序

國朝賢相不止文恭然其所爲  
極難無出文恭上文恭秉鈞  
當

國十有餘載政府無第二人時  
九列大臣及臺省言責之司

亦僅數人而諸司如之

神祖神聖卓越百代深宮端拱  
百官不得瞻望而萬機獨裁  
章疏停閣十而七八故九列  
臺省與諸司責秉鈞者之回

敬事草序

天何啻十目十手當是時  
國家急務內而

儲宮未建外而採權中使騷  
動四方言者皆得罪紀方游  
公之門每見公悄悄憂心形

敬事草  
喙鳴詩集  
喙鳴文集

〔明〕沈一貫撰

據北京圖書館藏明刻本  
影印原書版框高二〇  
四毫米寬二八〇毫米

諸胥曉而時時以婉衷微語  
匡正於人所不知之間公意  
以爲明諍之而萬一卽報可  
不忍以美歸已以過歸

君辛丑秋公密請建 儲及罷

敬事草 序

三

鑛稅申使益力竟得

旨冊 儲宮併封諸王朝野方

知公力而中使之罷

上尋悔欲收成

命公曰

陛下渙此汗如久旱甘雨海內  
望匪一日臣奉

詔業已沛然發不復可追於是  
悉罷去中使之開採征權者  
天下晏然公之相業一斑此

敬事草 序

四

其尤大章明較著者使人心  
公道不泯當謂公何如人迨  
公乞骸骨歸世局遂一變而  
浙運獨厄又公之先爲蘭谿  
公之後爲山陰一時執政皆

浙相故天下公道從此滅絕  
而公炳蔚之文羣起而與他  
人之疵癥並目則公之爲公  
不極難乎君子小人相攻於  
漢小人相攻於唐君子相攻  
於宋而禍流宗社況以小人  
攻君子而止眩是非于相臣  
此公之所咲而甘焉者也紀  
聞之考大臣者以大政公大  
政若此今者事久論定豈非

陳善責難務引當道古之所  
謂大臣與況公載在疏草者  
其言纍纍其事種種其勲勞  
燦燦在人目耶章奏莫多於  
六曹六曹章奏唯詞臣得而  
編纂之以備正史近代奏疏  
情愷切而辭可悅譯者無如  
臨朐馮大宗伯公馮公詞臣  
也顧其職掌唯言春官宗伯  
事至於坐而論道謦謦侃侃



齒大綱而該萬目高議足以  
回聰格心聊論足以障瀾轉  
石俯仰我

明唯公一人而已矣草名敬事  
公之心不可想見乎哉

敬事草

七

賜進士第通議大夫禮部左侍

郎兼翰林院侍讀學士協理

詹事府事管理清黃事務

經筵日講官兼纂 實錄副總

裁門生張邦紀頓首拜譔

敬事草叙

國家置閣臣不置相故權不得  
同相而其上弼主德下調人  
治使陰陽以和中外以理九  
夷八蠻賓服無大患害則有

敬事草叙

一

相之任故

朝廷生殺予奪之權閣臣不顯  
操而賢者得君以行其公遂  
能佐生殺予奪而天下治不  
肖者得君以行其私亦能竊

生殺予奪而天下亂故閣臣  
不必有權而有其任蓋

神皇帝之任先生曰君勞於上臣  
任於下樞機政本最爲詳悉  
先生之自任以畀

敬事草叙

二

神皇帝曰仰贊聖德俯儀百寮寄  
國安危爲時輕重漢臣不云  
乎君居其位不知其任先生  
誠知而任之矣先生居閣十  
有二年獨任者八年閣體重

他途者合力相猶久之同途  
之人不盡得於爵名遂亦外  
嚮而以情告卽當途極力撐  
拒而勢不能以

朝廷之爵名盡予所私卽力能

敬事草叙

五

盡予而同途之人衆力又不  
能盡出所同願之爵名故終  
入番覆而不能久是惟秉豪  
傑之槩用其一至卽人有分  
途尚能就一途而爲

朝廷分敵念合調變使重譯嚮  
化而其所托重四嚮之吏咸  
能如所指揮而成予讀敬事  
草以合予所見之門墻畧得  
其半而其所默運懇調以

敬事草叙

六

神皇帝之神化執歸道化拘從法  
蓋什得其五六其籌在帷幄  
而千萬里之外若指掌大如  
鮮如播如淮徐如虜如  
宗藩凡承顧問與計算用一人

發一畧罔不適宜而可必成  
否必敗其密而重如調護如  
冊立如典禮十數年不決千  
萬人不移而卒定於先生之  
言下臣所爲仰

敬事草叙

七

神皇帝謨烈高千古而輔臣之德

業蓋相任也卽分途而韓范  
之爭何論焉先生諳練典法  
舉邊徼利害將吏勇怯饋運  
難易道里迂直靡不通知故

其言如秦越人解纏疴不捥  
腕于共呻而手辦禁方嘗議  
司農䟽切直有矣處置尚踈  
以故遇可言卽并言其方而  
言不露卽

敬事草叙

八

上從其言若

上所自出陰奉

上以道德仁義而已不與其功

上亦心知用先生之言而以不露

成獨運之神當其時有一言

而輒從有再三言而從有再三言不從而終從先生之入告曰情之至迫者臣不忍不言又曰古之愛君者必於無人之所又曰天下盡言也而

敬事草叙

九

未能深言予嚮所聞恚先生不爲一言者今悉其言懇且懇洎讀守成三論殆深言乎至遣使一章固從來憂國誠臣所未易讀其語卽平交動

敬事草叙

十

色而况仰陳萬乘之尊若曹卽環列左右旣無噐忌復無齒嫌予蓋曰此先生之膽之識亦曰此先生之任也嗟乎天下之政至政府而定閣臣造膝披心而以言進又至言未必盡得卽其言得而天下未必盡信則先生之爲閣臣苦矣予因嘆先生後乏先生之膽識遂乏先生之任上諉



之曰虞擅下諉之曰虞侵蓋  
有犯漢臣之誠居位而不知  
任者何不一讀先生書也季  
子刻先生書明先生予特以  
季子意叙先生書明天下季

敬事草叙

十一

子以使至東語予以叙歸來

兒鎰遂得接季子交戟下廼

爲叙復季子

崇禎歲次丁丑仲秋之吉

高陽門人孫承宗頓首

拜撰



敬事草叙

十二



敬事草卷一目錄

為母乞祭䟽 講筵

議王守仁陳獻章從祀䟽 講筵掌院

乞假省親䟽

辭免起官教庶吉士䟽 在告

乞父祭葬䟽

辭起南京禮部尚書䟽

辭改禮部尚書兼學士總裁國史䟽

辭入閣䟽

敬事草卷一目錄

論倭貢市不可許䟽

敬事草卷一

柱國少傅兼太子太傅吏部尚書中極殿大學士臣沈一貫

為母乞祭䟽

日講官翰林院編修今丁憂臣沈一貫謹奏為

懇乞 天恩俯賜卹典以光泉壤事臣係浙江

寧波府鄞縣人由隆慶二年進士改翰林院庶

吉士授檢討陞今職萬曆三年十月內欽蒙

聖恩補日講官竊念臣一介草茅學術迂淺備

員詞林無所報稱誤蒙 皇上不次簡用俾待

敬事草卷一

講讀甫及三月而賞賚駢蕃不可勝舉正臣竭

力圖報之秋也不意臣母封孺人洪氏在家病

故例當拜違 闕廷回籍守制虛叨 恩厚悲

戀慚憤詎宜更有希冀但臣私念母氏生育之

恩昊天罔極一旦永訣追補無由查得 講筵

恩例舊從優渥而臣偶玷一時之任使實乃曠

世之竒邁既已有例可援安敢縮息不請查得

原任講官范應期母陸氏病故蒙 賜祭一壇

臣與應期事體相同如蒙 勅下禮部查照前

例量給卹典則臣厚徼恩真出于常情萬不意

之外而臣之感激思報亦與世世子孫共捐糜

也臣不勝迫切懇祈之至為此具本謹具奏聞

伏候

勅旨

萬曆四年正月二十三日奉

聖旨禮部知道禮部覆奉

聖旨沈一貫係日講官准賜祭一壇

敬事草

卷一

二

議王守仁陳獻章從祀疏

翰林院題為議從祀以崇聖道以勸來學事六

月二十四日據禮部祠祭清吏司手本開河南

道監察御史詹事講題請將兵部尚書新建伯

王守仁翰林院檢討陳獻章從祀孔廟該本部

覆奉聖旨從祀重典着各該儒臣及九卿科

道官從公品議議奏務協輿論欽此續於七月

初八日據祠祭清吏司手本該雲南道監察御

史黃師顏戶科左給事中田大年等先後題請

敬事草

卷一

三

將尚書章懋祭酒蔡清鄒守益諭德吳與弼修

撰羅倫僉事黃仲昭布衣胡居仁陳真晟王良

等併議從祀該本部覆奉聖旨備行到臣臣

惟從祀之典所以徵聖朝之表章昭學者之嚮

往為事甚鉅而臣學術淺陋聞見寡眇何以應

明旨然竊嘗誦其詩讀其書粗得其人之似敢

試陳之夫守仁之學以致良知為宗謂心之本

體即天理天理之昭明靈覺即良知惟戒慎恐

懼而不使昏昧放逸則天理常存本體不虧和

融瑩徹充塞流行動容周旋中禮從心所欲不踰矩矣聖賢論學無不可用之工惟致良知三字尤簡易可下手此其略也獻章之學以無欲為宗又曰見大曰自得謂人與天地同體四時以行百物以生若有所滯安能為造化主必令此心無物乃運用得轉舍繁求約致虛主靜久之心體自露而以之體物理稽聖訓各有頭緒此其畧也臣按二臣皆當世大儒而所學自異然大抵以靜為主獻章開其先不如守仁之精

敬事草

卷一

四

守仁起其後多發前賢所未發自國家紹明宋學諸儒勃興而求其造詣精深踐修明恪如二臣者何可多得躋祀孔廟輿論所歸無間然矣顧有宋之學程朱為之宗獻章雖不盡為朱而未嘗自異于朱乃守仁則直異于朱矣似不可無一言以祛學者之疑蓋聖門之學要在誠意而藉格致以啟其端為誠意而格致者聖學也不為誠意而格致者俗學也即為誠意而不由于格致雖非俗學要非聖學之精者也昔程子

曰涵養須用敬進學在致知而又曰格物窮理但立誠意以格之又曰入道莫如敬未有能致知而不在于敬者是知格致所以誠意亦必誠意而可以言格致所謂格致者不出于窮理之一言此程子意也朱子祖其說謂必窮天下之理以致吾心之知故其為學則主敬以立其體窮理以致其知反躬以踐其實內外合養本末無致君子以為集諸儒之大成信不誣矣第其傳添既久漸失本初或以硜執為居敬或以齷

敬事草

卷一

五

祖為踐履或以訓詁為窮理甚則困於咕嗶以為記誦說釋之資所求乎外者勝而所以養其內者微則學者之失而非朱子之學本如是也乃陳氏出稍異矣獨信其養靜致虛之學然猶未遠王氏出而增異矣直持致良知之說以出於簡易之途謂聖學在於誠意而所謂致知者非多聞多見之知乃致吾心之良知所謂格物者非窮天下事物之理乃存天理去人欲而正其事之不正以歸於正朱子窮理之說近於義